

Beasainen, 2024ko ekainaren 10ean

ONDORENGOAK ELKARTU DIRA:

BATETIK: Leire Artola Ugalde anderea, NAN 35779121E zenbakiduna, jakinarazpen helbidea Beasaingo udaletxean, hau da, Loinazko San Martin Plazan, duena. Beasaingo Alkate gisa, 2023eko ekainaren 17ko Udalbatzan hartu baitzuen kargua.

BESTETIK: Iñigo Elozegi Vallejo jauna, NAN 15963803D zenbakiduna, jakinarazpen helbidea Gipuzkoako Urak, hau da, Portuetxe 16, 1 solairua 20018 Donostian, duena. Gipuzkoako Urak S.A.-ren ordezkari moduan.

AURREKARIAK

I.- 2004-11-05ean Beasaingo Udala eta Gipuzkoako Ur Kontsortzioaren artean hitzarmena sinatu zen, azken entitate honek uraren ziklo integralaren kudeaketa eramateko (uraren hornidura eta saneamenduaren, "altako" eta "bajako" sareen kudeaketa) eta beharrezko inbertsioak egiteko. Horretarako Beasaingo Udalak bere titularitateko emakida, emari-aprobetxamenduak, azterlanak, proiektuak, sareak, instalazioak eta kontsortziatutako zerbitzuei lotutako beste baliabideak Kontsortzioaren esku jarri zituen.

Aldi berean Beasaingo Udalak GIPUZKOAKO UR KONTSORTZIOAREN esku utzi zituen uraren inguruko zerbitzuak emateko eta helburuak erdiesteko dituen ahalmenak, eskumenak, gaitasunak, botereak, eskubideak eta betebeharrak.

II.- Aipatutako hitzarmenaren iraupena hamar urtetarako finkatu zen, 2005-01-01etik kontatzen hasita eta amaitzear zegoenean luzatzea erabaki zen. Luzapen hitzarmena, 2014/11/26an sinatu zen hamar urtetarako iraupenarekin 2015-01-01etik kontatzen hasita.

III.- Hitzarmen horien ondorioz alde batetik, Gipuzkoako Ur Kontsortzioaren uraren ziklo integrala 2005eko urtarrilaren 1tik aurrera kudeatu izan du Beasaingo udalerrian. Bestetik, denboraldi horietan beheko sarean inbertsioak egiteko konpromisoa hartu izan du.-



Obra lanak 2023ko abenduan hasi ziren eta 2024eko maiatzean amaitu dira proiektuak aurreikusitako lanak gauzatu direlarik. Gipuzkoako Urak -ek ez du burutu Beasaingo Udalean obra lanen likidazioaren eta obra amaierako jakinarazpen formalen jakinarazpenik.

Modu berean, 6. estipulazioan adierazten den bi aldeek sinaturiko obra lanen harrera formala egun ez da gauzatu.

V.- Horregatik, oportunitateari dagokionez, azaldutako aurrekariak kontuan edukiz, esleitutako obra lanen kostua Gipuzkoako Urak -ek burutu duela kontuan izanik eta obra lanak amaitu berri direnez, Beasaingo Udalak Gipuzkoako Urak -i estipulatutako zenbatekoaren ordainketa zehaztu eta hitzartzeko, hitzarmen hau orain egitea egokia dela iritzi diote bi aldeek.

VI.- Aipatutakoa, oinarri juridiko hauen babesean gauzatuko da:

40/2015 legeko 49.b) artikulua xedatu duenez, Beasaingo Udalaren eskuduntza zein den zehaztu behar da.

Apirilaren 2ko 7/85 legeak, 25.2c) artikuluan Udalaren “eskuduntza propio edo berezko” gisa izendatu du honakoa: etxebizitzetara ur edangarria hornitu eta hondakin-uren hustuketa zein tratamendua. Areago, 26.1.a) artikuluan, “nahitaez eman beharreko zerbitzuen” artean, ur edangarria etxebizitzetara hornitzea, estolderia eta bide publikoen zoladura aipatu ditu.

Bestalde, 26.2. b) artikulua arabera, ur edangarri hornikuntza eta ur -zikinen hustuketa zein tratamendua, 20.000 biztanletik beherako udalerrietan, Foru Aldundi bidez gauza daitezke. Azken hau Foru Aldundiak zuzenean ala “elkarbanatutako kudeaketa” bitartez, Kontsortzioak edota mankomunitateak direla medio, gauzatu ahal izango du (26.2 art. “ in fine”).

Aurreko artikulua irizpidearekin bat dator Euskadiko toki erakundeen apirilaren 7ko 2/2016 legea. Hain zuzen ere, 104. 2 artikuluari jarraiki, Kontsortzioa hobetsiko da udalerrien “gutxieneko eta nahitaezko zerbitzuak” modu partekatuan kudeatzeko.

Urriaren 1eko 40/2015 legeak - 47.1 artikuluan- aukera eman dio Administrazioari zuzenbide publikoko entitateekin hitzarmenak izenpetzeko, beren xede nagusia interes publikoa betetzea bada. Doi-doi, 40/2015 legeko 118.1. artikulua Kontsortzioak “ zuzenbide publikoko entitate” gisa definitu ditu.

Eta ondorioz, izaera juridikoari dagokionez, hitzarmen hau 40/2015 legeko 47.2.a) artikulua deskribatutako "hitzarmen inter-administratiboa" dugu; alegia, Administrazio publiko ezberdin baten menpeko den entitate publiko batek eta Administrazio publiko batek adostutako akordioa dugu eta gainera, eragin juridikoak dituen.

Horren ondorioz, bi alderdiek elkarri hitzartzeko eta betebeharrak hartzeko gaitasuna aitortu diote eta hitzarmen hau egitea adostu dute, urriaren 1eko 40/2015 legeko 48.3 artikuluan oinarrituta, ondorengo estipulazioen arabera:

ESTIPULAZIOAK

LEHENIK: HELBURUA. Hitzarmen honen xede nagusia bikoitza da:

Igartza Oleta eta Florentzio Axpe kaletan gauzatutako saneamendu sarea bereizteko eta ur hornidura eta urbanizazioa eraberritzeko estipulatutakoak baieztatzea eta gauzatuta lanetatik ondorioztatzen diren gastuak zehaztea eta ordainketa egiteko prozedura zehaztea.

BIGARREN: KONPOKETA LANEN ZEHAZTAPENA

Obren edukiari dagokionez, egokitze lanak hauexek izan dira:

- Ur hornikuntza hoditeria eta estolderia azpiegitura berritu, egun dagoen saneamendu sistema bateratua bitan banatuz, euri urak eta ur zikinak hoditeria ezberdinetan jaso ahal izateko.
- Egungo ur hornidura sarea guztiz aldatu.
- Urbanizazio lanak. Egungo espaloiak eraitsi, onartutako Proiektuan zehazten diren azaleretan egungo espaloiak eta errepideak eta lurpeko instalakuntzak berritu.

Lan hauek guztiak burutu ahal izateko Proiektuak beharrezkoak diren obra atalak zehazten ditu.

HIRUGARREN: FINANTZAZIO KONPROMISOAK

Proiektutik ondorioztatutako gastuak, Beasaingo Udalak eta Gipuzkoako Urak ordainduko dituzte:

- Gipuzkoako Urak -ek, ur hornidura sarearen eta ur zikinen sarearen berrikuntza lanak hartuko ditu bere gain.
- Beasaingo Udalak espaloien konponketa lanen gastuei aurre egingo die.

LAUGARREN: GASTUEN BANAKETA ETA AURREKONTUA

Gauzatze Proiektuan aurreikusitako gastu banaketa:

GIPUZKOAKO URAK	168.821,66 € + BEZ
BEASAINGO UDALA	78.182,38 € + BEZ

Sasoi Eraikuntzak S.L. enpresaren alde egindako esleipenaren ondorengo gastu banaketa:

GIPUZKOAKO URAK	136.499,32 € + BEZ
BEASAINGO UDALA	63.213,70 € + BEZ

Gastuen banaketa, gauzatze proiektuan zehaztu bananduaren arabera burutuko da. Obra lanak bukatzean, azken neurketetan esleitutako aurrekontutik alderik balego, hauen izaeraren baitan gain hartu beharko dituzte Gipuzkoako Urak nahiz Beasaingo Udalak.

Obrak lanak hasi aurretik estipulatu zen moduan, Obra Zuzendaritza eta Obra Gauzatzeko Zuzendaritza lanak Gipuzkoako Urak -eko eta Beasaingo Udaleko teknikariek hartu dituzte bere gain. Aldiz, Obraren Segurtasun eta Osasun koordinatzailearen lanak Gipuzkoako Urak -ek hartu ditu bere gain.

Aurrekontua

Horretarako bi alderdiek honakoa dute aurreikusia kontabilitate eta aurrekontu agirietan:

- Beasaingo Udalaren aurrekontu aplikazioa: 1 0350.601.161.00.02 2023 Kontusaila.
- Gipuzkoako Urak -en 2024 aurrekontua.

Finantza konpromiso hauek jasangarriak dira guztiz, urriaren 1eko 40/2015 legeko 48.5 artikuluari begira. Eta ekarpen ekonomiko hauek ezin dituzte inola ere, hitzarmenaren exekuzioaren ondoriozko gastuak gainditu, 40/2015 legeko 48.6 artikulua betez.

BOSGARREN: ALDERDIEN BETEBEHARRAK.

Obraren kontratazio espediente osoa, hasieratik bukaerara, Gipuzkoako Urak -ek gauzatu du, Sektore Publikoko Kontratuen 9/2017 Lege-testu bateratuari jarraituz. Kontratazioaren helburuan, hitzarmen honen bigarren estipulazioan jasotako lan guztiak gauzatu dira.

Obrak eragin zuzena izango du bai oinezkoen pasabidean bai motordun ibilgailuen trafikoan. Horregatik, obra hasi aurretik Gipuzkoako Urak -ek eta Beasaingo udaleko teknikariek, Beasaingo udaltzaingoarekin koordinatu ditu beharrezko diren neurri guztiak. Obran zehar oinezkoen zein ibilgailuen segurtasuna bermatu da une oro.

Beasaingo Udalak hirugarren eta laugarren estipulazioan zehaztutako obren gastuen zenbatekoa, Gipuzkoako Urak -i ordainduko dio, Gipuzkoako Urak -ek egindako jarduketak jasotzen dituzten obra-likidazioaren onarpen-egiaztagiria Beasaingo Udalari bidali ahala.

SEIGARREN: HITZARMENAREN IRAUPENA

Hitzarmenaren iraun-aldia obren exekuzioaren menpe egongo da. Lanak amaitu ondoren, obren “*harrera formal*”, bi aldeek izenpetutako akta bidez, burutuko da. Akta honen bidez emango dira obrak amaitutzat.

Gehienera ere lau urteko iraupena izango du, “*obren zuinketa akta*” konprobatu eta obrak exekutatzen hasten direnetik kontatzen hasita, beste lau urtez luzatzeko kalterik gabe.

ZAZPIGARREN: JARRAIPEN, ZAINZA ETA KONTROL MEKANISMOAK:

Hitzarmenaren betearazpenaren eta sinatzaileek hartutako konpromisoen jarraipena, zaintza eta kontrola egiteko, eta hitzarmena interpretatzean sor daitezkeen zalantzak argitzeko, batzorde bat sortuko da, kide hauek osatua:

- Udal-erakundearen aldetik, Lurralde Batzordeko zinegotzi arduraduna eta Lurraldeko koordinatzailea.
- Gipuzkoako Urak -en aldetik, Joxemi Telleria eta Teresa Peñalba

ZORTZIGARREN: ALDERDIEN ARTEKO JAKINARAZPENAK ETA KOMUNIKAZIOAK



- Udal-erakundearen aldetik, Lurraldeko koordinatzaileari.
- Gipuzkoako Urak -en aldetik, Teresa Peñalba andreari.

HAMARGARREN: HITZARMENA BERTAN BEHERA GERATZEA:

- Hitzarmena suntsiarazteak azkendu egingo ditu alderdiek onartutako betebeharrak eta konpromisoak, eta baita prestazioen likidazioa ere. Helburu horietarako, aplikagarria izango da Sektore Publikoaren Araubide Juridikoaren Legearen 52. artikuluan xedatutakoa, suntsiaraztearen ondorioei eta likidazio eta kalte ordainen araubideari dagokienez.

Hitzarmenaren helburuak bete direla ulertuko da haren xedea burutu bada bi alderdientzat onargarriak diren baldintzetan.

Egikaritze prozesuan dagoen jarduketarik egongo balitz, alderdiek, jarraipen, zaintza eta kontrol batzordearen proposamenari jarraituta, abian dauden jarduketan jarraipena eta amaiera adostu ahalko dute, horiek amaitzeko epe luzaezina ezarrita.

HAMAIKAGARREN. HITZARMENAREN IZAERA ETA JURISDIKZIO APLIKAGARRIA:



Beasaingo Udala

Urriaren 1eko 40/2015 Legearen 47. artikuluaaren arabera, hitzarmen honen izaera juridikoa administratiboa da, eta, ondorioz, administrazioarekiko auzien jurisdikzioa da eskumena duena.

Hitzarmen honen aplikaziotik erator litezkeen interpretazio, aldaketa, suntsiarazte eta ondorioen inguruan ager litezkeen gatazkak alderdien arteko akordio bidez ebatziko dira eta, halakorik ezean, alderdi hauek administrazioarekiko auzien jurisdikzioaren eskumenekoak izango dira.

Eta aurreko guztiarekin adostasun frogatzat, bildutakoek hitzarmen hau sinatu dute goiburuan adierazitako tokian eta egunean.



EKS | CSV: **ESKU4b361f80-f35b-4280-b6de-677911d6afe6**

Egiaztatu dokumentu honen osotasuna eta sinadura hurrengo URL edo QR kodean sartuz: <https://uzt.gipuzkoa.eus?De=81910>

Compruebe la integridad y firma de este documento, accediendo a la siguiente URL o código QR: <https://uzt.gipuzkoa.eus?De=81910>



EKS | CSV: **SIERf444763e-9425-4879-b4da-78ea6c1e7e6e**

Egiaztatu dokumentu honen osotasuna eta sinadura hurrengo URL edo QR kodean sartuz: <https://uzt.gipuzkoa.eus?De=49810>

Compruebe la integridad y firma de este documento, accediendo a la siguiente URL o código QR: <https://uzt.gipuzkoa.eus?De=49810>